

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Finance

Broj: 08-11-23852/23 A.Š.  
Sarajevo, 19.4.2024.g.

29-04-2024

01/01-34-1579-2/24  
29.04

**JU SLUŽBA ZA ZAPOŠLJAVANJE**  
**KANTONA SARAJEVO**  
Ul. Đoke Mazalića br. 3  
71000 Sarajevo

**Predmet:** Mišljenje na Nacrt izmjena i dopuna Finansijskog plana prihoda i izdataka  
Javne ustanove „Služba za zapošljavanje Kantona Sarajevo“ za 2024. godinu, *daje se.*  
**Veza:** vaš akt, broj: 01-01-34-1579/24 od 16.04.2024. godine

Vezano za Nacrt izmjena i dopuna Finansijskog plana prihoda i izdataka JU „Službe za zapošljavanje Kantona Sarajevo“ za 2024.g., a u skladu sa odredbama člana 27. Zakona o budžetima u Federaciji Bosne i Hercegovine („Službene novine FBiH“, br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), daje se

## MIŠLJENJE

Nacrt izmjena i dopuna Finansijskog plana prihoda i izdataka JU „Služba za zapošljavanje Kantona Sarajevo“ za 2024. godinu usvojen od strane Upravnog odbora (16.04.2024.g.) i prihvaćen od strane Nadzornog odbora (16.04.2024.g.) ove ustanove, sadrže podatke iz člana 20. Zakona o budžetima u Federaciji Bosne i Hercegovine („Službene novine FBiH“, broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), i to: iskazane prihode po vrstama, rashode i izdatke predviđene za trogodišnji period, planiran broj radnih mjesta, prijedlog plana nabavke stalnih sredstava, obrazloženje izmjena i dopuna Finansijskog plana i zakonski propis koji omogućava provedbu izmjena i dopuna Finansijskog plana. Izjavu o fiskalnoj odgovornosti za 2023.g. u skladu sa „Pravilnikom o obliku, sadržaju, načinu popunjavanja i predaji izjave o fiskalnoj odgovornosti“ JU „Služba za zapošljavanje Kantona Sarajevo“ je dostavila Ministarstvu finansija Kantona Sarajevo u zakonski predviđenom roku u skladu sa Zakonom o budžetima u Federaciji Bosne i Hercegovine.

U Nacrtu izmjena i dopuna Finansijskog plana prihoda i izdataka JU „Služba za zapošljavanje Kantona Sarajevo“ za 2024. godinu povećana su ukupna finansijska sredstva za izvršavanje rashoda i izdataka i iznose 16.840.054 KM, a u Finansijskom planu za 2024. godinu ukupno raspoloživa sredstva iznosila su 98.568.210 KM.




Veća raspoloživa sredstva planirana su na sljedećim pozicijama: preneseni višak prihoda nad rashodima u iznosu 15.564.054 KM, prihodi od doprinosa po osnovu nezaposlenosti u iznosu 1.787.790 KM, prihodi od doprinosa za volontere u iznosu 9.000 KM, prihodi od kamata po dugoročnim kreditima u iznosu 420.000 KM, naknade od drugih pozajmica u iznosu 33.000 KM, tekući transferi u iznosu 200.000 KM i kapitalni primici u iznosu 262.000 KM.

Veći rashodi i izdaci planirani su na sljedećim pozicijama: plaće i doprinosi u iznosu 513.265 KM, doprinosi poslodavca u iznosu 60.000 KM, materijal i usluge u iznosu 10.530 KM, ugovorene usluge u iznosu 56.800 KM, Transfer Fondu za profesionalnu rehabilitaciju i zapošljavanje osoba s invaliditetom u iznosu 2.086.746 KM, aktivna politika zapošljavanja u iznosu 14.648.203 KM, ostali transferi PIO/MIO u iznosu od 600.000 KM i kapitalni izdaci u iznosu od 296.300 KM.

U obrazloženju izmjena i dopuna Finansijskog plana prihoda i izdataka JU „Služba za zapošljavanje Kantona Sarajevo“ za 2024. godinu u tački B.V se navodi da na poziciji kapitalnih izdataka za kapitalne investicije Služba za zapošljavanje u 2024. godini planira izvršiti nabavku opreme i namještaja u iznosu 567.400 KM, nabavku softvera i neophodnih licenci za rad u iznosu 325.000 KM i adaptaciju i rekonstrukciju poslovnih prostora kako bi se obezbjedilo funkcionalnije obavljanje poslova i zadataka u iznosu 117.000 KM.

U cilju unapređenja izrade konsolidiranih projekcija javnih prihoda u Federaciji BiH, Federalno ministarstvo finansija dostavlja projicirani okvir naplate doprinosa za osiguranje od nezaposlenosti koji naplaćuje JU „Služba za zapošljavanje Kantona Sarajevo“. Po zaprimanju novih revidiranih projekcija javnih prihoda za 2024. godinu i projekcija za period 2025-2027. godina od strane Federalnog ministarstva finansija, Ministarstvo finansija Kantona Sarajevo će iste dostaviti i JU „Služba za zapošljavanje Kantona Sarajevo“ u cilju daljeg budžetskog planiranja.

Kao prilog Nacrta izmjena i dopuna Finansijskog plana prihoda i izdataka za 2024. godinu JU „Služba za zapošljavanje Kantona Sarajevo“ dostavila je i Odluku o izvršavanju izmjena i dopuna Finansijskog plana JU „Služba za zapošljavanje Kantona Sarajevo“ za 2024. godinu.



Dostaviti:

1. Naslovu
2. MF-Sektor za budžet i fiskalni sistem
3. a/a

Pripremio: Adin Šendro, mr. oec.  
Kontrolisala: Amina Moćević, mr. oec.

